

ქართული მეცნიერების კიდევ ერთი დიდი აღიარება

ამერიკის შეერთებული შტატებიდან მოვიდა შეტყობინება, რომ საქართველოს მეცნიერებათა ეროვნული აკადემიის პრეზიდენტი აკადემიკოსი თამაზ გამყრელიძე არჩეულია ამერიკის შეერთებული შტატების „მეცნიერებათა ნაციონალური აკადემიის“ უცხოელ წევრად.

ამერიკის „მეცნიერებათა ნაციონალური აკადემია“ დაარსებულ იქნა პრეზიდენტ აბრაჰამ ლინკოლნის მიერ 1863 წელს, როგორც სამეცნიერო პრიორიტეტების განმსაზღვრელი უზენაესი ავტონომიური სამეცნიერო ორგანო და ხელისუფლების მრჩეველი მეცნიერებისა და ტექნოლოგიების საკითხებში.

ამ აკადემიის წევრები იყვნენ და არიან ისეთი მეცნიერები, როგორც ალბერტ აინშტაინი, ნილს ბორი და ენრიკო ფერმი, გერნერ ჰაინზენბერგი, ჯეიმზ უოტსონი და ჯონ ფლეშინგი, დევიდ ჰილბერტი, ფრიდრიხ ჰირცებრუნი, ანდრეი კოლმოგოროვი და ანდრეი სახაროვი, სტივენ ჰოკინგი და მურიე გელმანი... ამჟამად ორას კაცზე მეტი, მართო ნობელის პრემიის ლაურეატია.

აკადემიკოსი თამაზ გამყრელიძე პირველი ქართველი მეცნიერია, რომელიც არჩეულ იქნა ამერიკის ნაციონალური აკადემიის წევრად; იგი მიწვეულია გაშინგტონში ოფიციალურ ცერემონიალზე ამ მაღალი საპატიო წოდების მისაღებად.

უფრო ადრე, აკადემიკოსი თამაზ გამყრელიძე — მრავალი უცხოური უნივერსიტეტის საპატიო დოქტორი — არჩეული იყო ამერიკის შეერთებულ შტატებში კიდევ ერთი პრესტიჟული სამეცნიერო ორგანიზაციის — ამერიკის ხელოვნებათა და მეცნიერებათა აკადემიის — უცხოელ საპატიო წევრად.

გულოცაგო ბატონ თამაზ გამყრელიძეს და მთელ ქართულ მეცნიერებას ამ დიდ წარმატებას.